


THE CHINESE JAPANESE LIBRARY
OF THE HARVARD YENCHING INSTITUTE
AT HARVARD UNIVERSITY

FEB 20 1957

855/4241



述而第七

子曰述而不作信而好古

博學而篤志

子曰然則而識之學而不思則

我武

子曰德之不修學之不講問

不能以是吾自愛也

子曰居山如也

述而第七

八論附後

子曰述而不作信而好古竊比於我老彭而

不作二語可橫
看不可豎看

子曰默而識之學而不厭誨人不倦何有於

我哉惟夫子知之

子曰德之不脩學之不講聞義不能徙不善

不能改是吾憂也

子之燕居申申如也夭夭如也

哈佛大學哈佛燕京圖書館珍藏印

子曰甚矣吾衰也久矣吾不復夢見周公

子曰志於道據於德依於仁游於藝

子曰自行束脩以上吾未嘗無誨焉

子曰不憤不啓不悱不發舉一隅不以三隅

反則不復也

子食於有喪者之側未嘗飽也子於是日哭

則不歌

子謂顏淵曰用之則行舍之則藏惟我與爾

有是夫子路曰子行三軍則誰與子曰暴

虎馮河死而無悔者吾不與也必也臨事

而懼好謀而成者也

子曰富而可求也雖執鞭之士吾亦爲之如

不可求從吾所好好提

子之所慎齊戰疾

子在齊聞韶三月不知肉味曰不圖爲此

至於斯也神契

冉有曰夫子為衛君乎子貢曰諾吾將入之
入曰伯夷叔齊何人也曰古之賢人也
怨乎曰求仁而得仁又何怨出曰入子不
為也

子曰飯疏食飲水曲肱而枕之樂亦在其中
矣不義而富且貴於我如浮雲

子曰加我數年五十以學易可以無大過矣
子所雅言詩書執禮皆雅言也

葉公問孔子於子路子路不對子曰女奚不
曰其為人也不發憤忘食樂以忘憂不知老
之將至云爾

子曰我非生而知之者好古敏以求之者也
子不語怪力亂神

子曰三人行必有我師焉擇其善者而從之
其不善者而改之

子曰天生德於予桓魋其如予何

說作誰

憲

四書
子曰二三子以我爲隱乎吾無隱乎爾吾無
行而不與二三子者是丘也

子以四教文行忠信

子曰聖人吾不得而見之矣得見君子者斯
可矣子曰善人吾不得而見之矣得見有
恒者斯可矣亡而爲有虛而爲盈約而爲
泰難乎有恒矣惟恐人不恒

子釣而不綱弋不射宿

子曰蓋有不知而作之者我無是也多聞擇
其善者而從之多見而識之知之次也
互鄉難與言童子見門人惑子曰與其進也
不與其退也唯何甚人潔已以進與其潔
也不保其往也

子曰仁遠乎哉我欲仁斯仁至矣

陳司敗問昭公知禮乎孔子曰知禮孔子之
揖巫馬期而進之曰吾聞君子不黨

亦黨乎君取於吳為同姓謂之吳希
而不知禮孰不知禮巫馬期以告子曰
幸苟有過人必知之
子與人歌而善必使反之而後和之
子曰文莫吾猶人也躬行君子則吾未之有
得

子曰若聖與仁則吾豈敢抑為之不厭誨人
不倦則可謂云爾已矣公西華曰正唯第

子不能學也妙

神能事鬼
子人故能

子疾病子路請禱子曰有諸子路對曰有之
誅曰禱爾於上下神祇子曰丘之禱久矣

子曰奢則不孫儉則固與其不孫也寧固

子曰君子坦蕩蕩小人長戚戚

子溫而厲威而不猛恭而安盡

論惟我與爾有是夫

向作牽連自家與顏子說聖人殊無此等
口氣此與字與下文二與字一與字

論與其進也不與其退也

退。非退而為不善之說。童子既見夫子。無再為不善之理。且其來見已。有超然之意。落後。是與他向前不善乎。決無之事也。其進。只是與他向前不善乎。決無之事也。其

論斯仁至矣

斯。仁至矣。妙甚。見得欲即是仁。若倒一字。說仁。斯至矣。仁便在外了。仁便遠了。文字。如。此。妙。如。此。

論抑為之不厭誨人不倦則可謂云爾

已矣

問。如何與默而識之處不同。曰。彼說學而。不厭。而字。是自然之語。此說為之不厭。為。字。是勉然之語。辭自然。任勉。然。夫子從來如此。無不同也。

泰伯第八

大論
附後

子曰。泰伯。其可謂至德也已矣。三以天下讓。民無得而稱焉。追論之言

子曰。恭而無禮則勞。慎而無禮則蕙。勇而無禮則亂。直而無禮則絞。君子篤於親則民興於仁。故舊不遺則民不偷。最有味

曾子有疾。召門弟子曰。啓予足。啓予手。詩云。戰戰兢兢。如臨深淵。如履薄冰。而今而後。

吾知免夫小子

是恁仲囑

曾子有疾孟敬子問之曾子言曰鳥之將死其鳴也哀人之將死其言也善君子所貴乎道者三動容貌斯遠暴慢矣正顏色斯近信矣出辭氣斯遠鄙倍矣籩豆之事則有司存

切實

曾子曰以能問於不能以多問於寡有若無實若虛犯而不校昔者吾友嘗從事於斯

矣

曾子曰可以託六尺之孤可以寄百里之命

臨大節而不可奪也君子人與君子人也

曾子曰士不可以不弘毅任重而道遠仁以

為己任不亦重乎死而後已不亦遠乎

子曰興於詩立於禮成於樂

子曰民可使由之不可使知之

子曰好勇疾貧亂也人而不仁疾之已甚亂

也。

子曰如有周公之才之美使驕且吝其有不
足觀也已。

子曰三年學不至於穀不易得也。

子曰篤信好學守死善道危邦不入亂邦不
居天下有道則見無道則隱邦有道貧且
賤焉恥也邦無道富且貴焉恥也。孔子又
不如此

子曰不在其位不謀其政。

子曰師摯之始闞睢之亂洋洋乎盈耳哉。

子曰狂而不直侗而不愿慥慥而不信吾不
知之矣。

子曰學如不及猶恐失之。訓詞

子曰巍巍乎舜禹之有天下也而不與焉。

子曰大哉堯之為君也巍巍乎唯天為大唯
堯則之蕩蕩乎民無能名焉巍巍乎其有
成功也煥乎其有文章。

舜有臣五人而天下治武王曰予有亂臣十人孔子曰才難不其然乎唐虞之際方其為盛有婦人焉九人而已三分天下有其二以服事殷周之德其可謂至德也已矣子曰禹吾無間然矣菲飲食而致孝乎鬼神惡衣服而致美乎黻冕卑宮室而盡力乎溝洫禹吾無間然矣

論篤于親及故舊不遺

上面既說禮不可無然禮非繁縟乃從厚起故記曰敦厚以崇禮又曰忠信之人可以學禮俱說禮始于厚也今日篤于親故舊不遺只是一不厚所以為禮之根也言禮不可無而遂及此是真精于論禮者先儒以此為曾子之言別為一章不過以其言類慎終追遠民德歸厚耳如此看書誠可嘆嘆

論君子所貴乎道者三

此真聖賢之言只在容貌顏色辭氣之間而安民之畧已具矣非聖賢不能言亦非聖賢不能信記曰儼若思安定靜安民以安百姓能以禮讓為國乎何有之類俱作如是觀

論昔者吾友嘗從事于斯矣
非徒慨慕乎昔者
實將有事于今朝

論臨大節而不可奪也

不可奪方是可以托可
以寄初無木節兩層

論死而後已

維天之命於穆不已
未生時原是不已
的既從此處來既死而後亦定是不已的還
從此處去緣何說死而後已亦不
毅極了想亦對未死而已者言耳

論大哉堯之為君也

魏巍乎其有成功也是歲功成煥乎其有
文章是七政齊這正是實在則天處

子罕第九

附十九論

子罕言利與命與仁

達巷黨人曰大哉孔子博學而無所成名子
聞之謂門弟子曰吾何執執御乎執射乎
吾執御矣若不喻其意才多妙妙

子曰麻冕禮也今也純儉吾從眾拜下禮也
今拜乎上泰也雖違眾吾從下

子絕四母意母必母固母我

子畏於匡曰文王既沒文不在茲乎天之將
喪斯文也後死者不得與於斯文也天之
未喪斯文也匡人其如予何

大宰問於子貢曰夫子聖者與何其多能也
子貢曰固天縱之將聖又多能也子聞之
曰大宰知我乎吾少也賤故多能鄙事君
子多乎哉不多也宰曰子云吾不試故藝
子曰吾有知乎哉無知也有鄙夫問於我空

空如也我叩其兩端而竭焉

子曰鳳鳥不至河不出圖吾已矣夫

子見齊衰者冕衣裳者與瞽者見之雖少必
作過之必趨

顏淵喟然嘆曰仰之彌高鑽之彌堅瞻之在
前忽焉在後夫子循循然善誘人博我以
文約我以禮欲罷不能既竭吾才如有所
立卓爾雖欲從之末由也已

竟到此地也
矣難得難得

子疾病子路使門人爲臣病間曰久矣哉由
之行詐也無臣而爲有臣吾誰欺欺天子
且予與其死於臣之手也無寧死於二三
子之手乎且予縱不得大葬予死於道路
乎

子貢曰有美玉於斯韞匱而藏諸求善賈而
沽諸子曰沽之哉沽之哉我待賈者也

子欲居九夷或曰陋如之何子曰君子居之

何陋之有妙

子曰吾自衛反魯然後樂正雅頌各得其所

子曰出則事公卿入則事父兄喪事不敢不

勉不爲酒困何有於我哉

子在川上曰逝者如斯夫不舍晝夜所感深矣

子曰吾未見好德如好色者也

子曰譬如爲山未成一簣止吾止也譬如
地雖覆一簣進吾往也

子曰語之而不惰者其回也與

子謂顏淵曰惜乎吾見其進也。未見其上也。子曰苗而不秀者有矣。夫秀而不實者有矣。夫

子曰後生可畏。焉知來者之不如。今也。四十五。而無聞焉。斯亦不足畏也已。

子曰法語之言。能無從乎。改之爲貴。與與之言。能無說乎。繹之爲貴。說而不繹。從而不

改。吾末如之何也已矣。

子曰主忠信。毋友不如己者。過則勿憚改。

子曰三軍可奪帥也。匹夫不可奪志也。

子曰衣敝緼袍。與衣狐貉者立。而不恥者。其由也與。不伎不求。何用不臧。子路終身誦之。子曰是道也。何足以臧。

子曰歲寒然後知松栢之後彫也。

子曰知者不惑。仁者不憂。勇者不懼。

子曰可與共學未可與適道可與適道未可與立可與立未可與權

唐棣之華偏其反而豈不爾思室是遠而子曰未之思也夫何遠之有

論子罕言利

夫子論仁二十篇魯論中凡五十三條其詳極矣利命亦說何謂罕言子貢不云乎夫子之言性與天道不可得而聞也

論達巷黨人

党人小眼孔望洋之見夫子非謙辭下學而上達知我者其天乎論多不多亦此意不然教人何以必先博于文說苑謂御者使人恭射者使人端亦正心修身之法

論子絕四

天下何思何慮聖學只一無我擬以絕母似屬有心參以多念更覺瑣碎此隔壁模倣非直截了當之言

論子畏于匡

向難匡人之遇道大而魔小夫子見之定矣如何便說畏然直追文王則武王居公不奠可知

論太宰知我乎

此夫子親口語也。而後人不信，必又曲為之說。亦大可笑。已蓋太宰原知聖學，不貴多能。故向子貢問曰：夫子聖者，與何其多能也？正疑聖不合多能也。而子貢之言尚多夾帶，未見徹底澄清。故夫子以太宰為知我如此直截，而讀者反增曲折。經書之為後人掩者，亦多矣。可慨可嘆。

論吾有知乎哉

清流明鏡，便是本體。何謂謙辭？因物付物，造化在手也。

論鳳鳥不至

夫子心期原自不小，直至浩袍之涕，其感歎極矣。

論瞻之在前，忽焉在後

他人見夫子甚遠，顏子瞻之，只在前後。故曰：其心三月不違仁。

論從之末由

此二語正與仰之四語一樣。見此道神化，非教之所能授。學之所能受耳。是一時語，非有前後也。觀喟然嘆三字可見。

論予死于道路乎

此與不肯厚葬顏子一個念頭。蓋君道師道，夫子知其有分耳。何必復借君道以為

重乎臣之手。二三子之手。語極有味。固知後之以文宣王謚孔子者。俱不知孔子者也。

論活之哉活之哉

夫子用世心腸如此。其急而有以待。賈為觀望者。亦大可笑已。

論君子居之

此四字極員意。若曰且不必說到陋。但不知君子居之否耳。若君子居之。何陋之有。字字圓活。飛動人。亦能看至此乎。

論子在川上

逝者如斯夫。不舍晝夜。是一句嘆惜光陰之語。說者都說道。變化機反。說遠了。細細體會。當自得之。

論譬如為山

論文理應從平地說起。今以止在前而進。在後。文字大有變化。大有意致。讀者亦知之否。

論焉知來者之不如今也

註作焉。知來者不如我之今日乎。殊不知。非聖人。山氣玉房。仲以首句截下。三語連讀。謂後生固可畏矣。然其可畏者。以。來之有。聞不如。今之無聞耳。然日月易逝。至道難聞。

又焉知來者之不如今也且四十矣五十矣
矣無聞矣又安足畏也哉總作鞭策後生
說極是極是

論巽與之言

今人混帳都作巽語之言讀過殊不知與
字極妙謂即以法語之言巽與之言耳
字變化而文章條理如此

論子路終身誦之

非真沒世只誦此二語也
只是當下有自足之念耳

論是道也何足以減

非謂是道不足減也只問子路是道也何
足以減哉欲其思而得之耳若竟作不減
說便與何用不減處有礙

論可與共學

此示人以進道階級也持其文勢反耳讀
者細思之可與適道者其誰可與者其誰
可與立之者其誰故未字最可玩味

論未之思也

思于人身最為吃緊作聖通微都賴乎此
如詩人之言全不知思者也夫子偶有所
觸故加辨之非翻詩人之案已也
要知此老婆心所在方不孤負

鄉黨第十

十論
附後

孔子於鄉黨恂恂如也似不能言者其在宗

廟朝廷便便言唯謹爾

朝與下大夫言侃侃如也與上大夫言誾誾

如也君在踧踖如也與與如也

君召使擯色勃如也足躩如也揖所與立左

右手衣前後襜如也趨進翼如也賓退必

復命曰賓不顧矣

若只說
聖人能
敬他人
至此恐
未必不
敬且不
得不敬
也若說
聖人之
敬如此
局促則
他人又
當如何
苦惱也
記者不
濟極了

夫子儘
從容

好精潔
自人情

入公門鞠躬如也如不容立不中門行不履
闕過位色勃如也足躩如也其言似不足
者攝齊升堂鞠躬如也屏氣似不息者出
降一等逞顏色怡怡如也沒階趨翼如也
復其位蹶蹶如也

執圭鞠躬如也如不勝上如揖下如授勃如
戰色足跼跼如有循享禮有容色私覲愉
愉如也

君子不以紺緞飾紅紫不以爲褻服當暑者衫
絺絺必表而出之緇衣羔裘素衣麤裘黃
衣狐裘褻裘長短右袂必有寢衣長一身
有半狐貉之厚以居去喪無所不佩非帷
裳必殺之羔裘玄冠不以弔吉月必朝服
而朝

齊必有明衣布齊必變食居必遷坐
食不厭精膾不厭細食體而餲魚飯而肉敗

聖人有何奇特
無量妙甚又不
以飲名千古糟
丘第一人也

不食色惡不食臭惡不食失飪不食不時
不食割不正不食不得其醬不食肉雖多
不使勝食氣唯酒無量不及亂沽酒市脯
不食不撤薑食不多食祭於公不宿肉祭
肉不出三日出三日不食之矣食不語寢
不言雖蔬食菜羹瓜祭必齊如也
席不正不坐
聖人之正不遺于坐
鄉人飲酒杖者出斯出矣鄉人儻朝服而立

於阼階

問人於他邦再拜而送之康子饋藥拜而受
之曰丘未達不敢嘗

廐焚子退朝曰傷人乎不問馬

君賜食必正席先嘗之君賜腥必熟而薦之
君賜生必畜之侍食於君君祭先飯疾君
視之東首加朝服拖紳君命召不俟駕行
矣

吾輩交情當觀此則

入大廟每事問

朋友死無所歸曰於我殯朋友之饋雖車馬非祭肉不拜

寢不尸居不容見齊衰者雖狎必變見冕者與瞽者雖褻必以貌凶服者式之式負版者有盛饌必變色而作迅雷風烈必變升車必正立執綏車中不內顧不疾言不親指

春秋成而麟出魯論脩而雉應

色斯舉矣翔而後集曰山梁雌雉時哉時哉

子路其之三嗅而作不可與在川言逝黃鳥言止一樣看

論侃侃閭閻

此如何不是勢利顧其人何如耳世界上自脫不得此二字君子小人皆由焉只莫作一例看

論羔裘麕裘狐裘

此非夫子創為蓋遵古制也羔裘服以視朝先王欲勵人臣之節故取物之群而不党者麕裘服以聘享先王欲修鄰國之好故取物之善接其類者狐裘服以息民先

王欲隆報本之思故取物之不忘首丘者而緇衣素衣黃衣又別以宜之雖曰尚綱之初心實寓辨色之深意

論食饘而餲

饘餲二字集註甚分明人自未考耳饘是氣之有餘餲是味之不足爾雅云食饘謂之餲李巡疏云饘飯是也一名餲今並存之

論不撤薑食

食有五味酸鹹甘苦辛是也口之于味何日去之但辛之品類不一聖人特取其有益而無害者曰薑故不撤也是以朱子有頌功之詩介甫悟愚民之譴此章書實與

素問神仙服食諸藉相表裏孰謂聖人之書不足以尊生也哉

論祭肉不出三日

即不宿肉也蓋凡祭先一日殺牲祭又是一日矣若再宿肉是出三日矣故復申之曰祭肉不出三日出三日不食之矣註解非是

論席不正不坐

此正聖人從心不踰處不可謂之不安于不正亦不可謂之自檢于正心正則身正身正則坐自無不正記者不過得其標耳

論朋友死

朋友之交也。自然如此。于我殞無生。死也。車馬不拜。無貧富也。今亡已夫。

論迅雷風烈必變

說个變字就有个常字。風恬雷寂。天之常也。即聖人之常也。雷厲風行。天之變也。即聖人之變也。蓋聖人無念不與天通。無動不與天合。故嘗自命曰知我者其天乎。

論山梁雌雉

此是記者隱語。以此了鄉黨之案。亦憑人如何猜度耳。不必使人人知也。

總論

此篇形容夫子大段關係。網常規矩立矣。然其描寫儘有將夫子入醜腐處。其實不

然也。蓋記者是子張子夏等門人。手眼皆不濟。天何言哉。即知識如子貢。且然讀論語者。師其意可也。

論語下篇

先進第十一

二十三
論附後

子曰先進於禮樂野人也後進於禮樂君子

也如用之則吾從先進何等眼力
何等心腸

子曰從我於陳蔡者皆不及門也德行顏淵

閔子騫冉伯牛仲弓言語宰我子貢政事

冉有季路文學子游子夏

子曰回也非助我者妙也於吾言無所不說

唐其

子曰孝哉閔子騫人不間於其父母昆弟之
言。

南容三復白圭孔子以其兄之子妻之

季康子問弟子孰為好學孔子對曰有顏回
者好學不幸短命死矣今也則亡一字

顏淵死顏路請子之車以為之椁子曰才不
才亦各言其子也鯉也死有棺而無椁吾
不徒行以為之椁以吾從大夫之後不可

徒行也

顏淵死子曰噫天喪予天喪予

顏淵死子哭之慟從者曰子慟矣曰有慟乎
非夫人之為慟而誰為

顏淵死門人欲厚葬之子曰不可門人厚葬
之子曰回也視予猶父也予不得視猶子
也非我也夫二三子也

季路問事鬼神子曰未能事人焉能事鬼神

厚葬必
踰分也
故夫子
深痛之

問死曰未知生焉知死

閔子侍側聞聞如也○畫子路行行如也○畫冉有子

貢侃侃如也子樂若由也不得其死○又憂矣然

魯人爲長府閔子騫曰仍舊貫如之何何必

改作子曰夫人不言言必有中○同心

子曰由之瑟奚爲於丘之門○俗門人不敬子路

子曰由也升堂矣未入於室也

子貢問師與商也孰賢子曰師也過商也不

及曰然則師愈與子曰過猶不及

季氏富於周公而求也爲之聚斂而附益之

子曰非吾徒也小子鳴鼓而攻之可也

柴也愚參也魯師也辟由也喭

子曰回也其庶乎屢空賜不受命而貨殖焉

億則屢中

子張問善人之道子曰不踐迹亦不入於室

子曰論篤是與君子者乎色莊者乎○是

子路問聞斯行諸子曰有父兄在如之何其
 聞斯行之冉有問聞斯行諸子曰聞斯行
 之公西華曰由也問聞斯行諸子曰有父
 兄在求也問聞斯行諸子曰聞斯行之亦
 也感敢問子曰求也退故進之由也兼人
 故退之

子畏於匡顏淵後子曰吾以女為死矣曰子
 在回何敢死

看何句殺

季子然問仲由冉求可謂大臣與子曰吾以
 子為異之問曾由與求之問所謂大臣者
 以道事君不可則止今由與求也可謂具
 臣矣曰然則從之者與子曰弑父與君亦
 不從也

子路使子羔為費宰子曰賊夫人之子子路
 曰有民人焉有社稷焉何必讀書然後為
 學子曰是故惡夫佞者

子路曾皙冉有公西華侍坐子曰以吾一日
長乎爾母吾以也居則曰不吾知也如或
知爾則何以哉子路率爾而對曰千乘之
國攝乎大國之間加之以師旅因之以饑
饉由也爲之比及三年可使有勇且知方
也夫子哂之求爾何如對曰方六七十如
五六十求也爲之比及三年可使足民如
其禮樂以俟君子赤爾何如對曰非曰能

之願學焉宗廟之事如會同端章甫願爲
小相焉點爾何如鼓瑟希鏗爾舍瑟而作
對曰異乎三子者之撰子曰何傷乎亦各
言其志也曰莫春者春服既成冠者五六
人童子六七人浴乎沂風乎舞雩詠而歸
夫子喟然歎曰吾與點也三子者出曾皙
後曾皙曰夫三子者之言何如子曰亦各
言其志也已矣曰夫子何哂由也曰爲國

以禮其言不讓是故晒之唯求則非邦也
與安見方六七十如五六十而非邦也者
唯赤則非邦也與宗廟會同非諸侯而何
赤也為之小孰能為之大只是用世之心更無別念勿認差

論野人君子

說野人的是野人說君子的君子是夫
子之言非時人之言但用之而從先進則
夫子自有主張在問恁主張曰只欲其有
餘地而已此聖人之心也凡事皆然不獨
禮樂如此

論從陳蔡

不獨夫子之言悽其而記者之詞亦甚悲
惋人若看得記者之詞悲惋出方可與語
文章之神

論助我

深喜之詞大率似憾不獨此也

論于吾言無所不悅

無所不悅從一言中宛轉無盡也非言言
悅之謂然言言中則又逐言宛轉無盡矣

論人不問于其父母昆弟之言

還重人。不聞上。勿因。閔子有後母之事。而重父母昆弟也。雖然。畢竟人不聞原從父弟來。

論三復白圭

孔子以其兄之子妻之。自有一段真精神。相感動處。非僅僅以三復白圭也。然三復白圭。便是一段真精神。相感動處。記者記此。似有所主。而南容則不自知也。

論請子之車以為之椁

分明說為之椁矣。又說賣車以買椁。真窮秀才見識也。蓋欲借命車以寵其死耳。若欲賣車以買椁。門人且厚葬之矣。獨不能買一椁乎。

論厚葬

厚葬必踰分也。如欲以命車為椁之類。故夫子既不可之于前。復深痛之于後。不然若僅棺槨衣衾之美。亦夫子之心也。何為如此。

合論顏淵死四章

由俗眼觀之。第一章似吝。第二章又痛之極矣。何惜一車乎。第四章又似為車而下註脚也。豈知第一章第四章比之。二章三章更為痛極也。惟夫子知之。顏子知之。顏路不知也。門人不知也。況俗眼乎。一死一生交情。乃見孔顏方可語交情矣。

論問事鬼神及問死

四書取
你看子路是何等見識
淺淺者如何問得到此

論敢問死

加一敢字亦有意見得夫子不語鬼神緣
何人又有死如何說如何說敢講之只一
字把子路當日精神光景都
盡出論語文字真聖品也

論仍舊貫

貫所藏錢數也為長府原欲加賦故曰仍
舊貫夫子稱之非稱閔子也為魯之百姓
申訴一番耳人只是看不出定以為夫
子有取于閔氏吁可與言神者幾人哉

論門人不敬子路

從來孔家門牆已有如此下流不長進者
矣夫即使子路見賞于夫子于你何增
乃敬之即使子路見斥于夫子于你何
損乃便不敬況平日既敬事之緣何一旦
因夫子之言便生不敬自家眼何在不可
愧也耶嘗見今日有一秀才偶考前列眾
羣趨之其人亦傲然自以為足也真可發
笑。夫子說出升堂未入室來這輩何處
生活是分明驅這輩于
門牆之外矣快人快人

論過猶不及

子貢聞此平日好高自負之意不覺
其消而化之矣聖人點化人如此

論非吾徒也

冉求亦只是行其足民之志耳而為夫子所呵如此夫子為民之心何如呼今之聚斂之臣可令孔子見耶僅科中儘有撫字何不畱心敢以告為民牧者

論億則屢中

此子貢之所以貨殖也此子貢之所以不能屢空也夫子受命也此子貢之所以不能屢空也夫子之意豈取之耶

論子張問善人之道

善人無所謂道道路也猶言善人到何等路頭矣下面亦指出善人路頭

論子在回何敢死

言外便是子不在回何敢不死古之師弟如此呼今之師弟則不成話矣雖然無孔子之師自有顏子之弟子

論吾以子為異之間

不必說吾以子為臯夔稷契之間此前季然尚未開口安知其問大臣不問大臣遂先料之耶還空說為是

論是故惡夫佞者

子路之言極高將來有使人廢學之弊關係不小故夫子不得不以佞斥之然子路實非佞也

論夫子哂之

與夫子莞爾而笑。一。例看雖哂其不讓實喜之之意居多也。不然夫子所問者是何事。

論吾與點也

此是夫子一時感慨之言非真話也。與浮海居夷一。例看故曾點亦覺不安。後三子而細問之也。

論為國以禮

說為國則夫子之心更可知矣。顧涇陽先生曰禮字用所陶鑄子路亦所以點化曾

點也。蓋狂者之所少。止是這不禮字。先生可謂得其神矣。

顏淵第十二

顏淵問仁子曰克己復禮爲仁一日克己復禮天下歸仁焉爲仁由己而由人乎哉顏淵曰請問其目子曰非禮勿視非禮勿聽非禮勿言非禮勿動顏淵曰回雖不敏請事斯語矣

第一局

仲弓問仁子曰出門如見大賓使民如承大祭已所不欲勿施於人在邦無怨在家無

怨仲弓曰雍雖不敏請事斯語矣

司馬牛問仁子曰仁者其言也妙訥曰其言也

訥斯謂之仁矣乎子曰為之難言之得無

訥乎

司馬牛問君子子曰君子不憂妙不懼曰不憂

不懼斯謂之君子矣乎子曰內省不疚夫

何憂何懼此與上章俱是先發其病然後下藥

司馬牛夏曰人皆有兄弟我獨亡子夏曰商

聞之矣死生有命富貴在天君子敬而無

失與人恭而有禮四海之內皆兄弟也君

子何患乎無兄弟也善調停

子張問明子曰浸潤之譖膚受之愬不行焉

可謂明也已矣浸潤之譖膚受之愬不行

焉可謂遠也已矣真真

子貢問政子曰足食足兵民信之矣子貢曰

必不得已而去於斯三者何先曰去兵子

潤兩句作兩遍
唱於此處然
深心

貢曰必不得已而去於斯二者何先曰去食自古皆有死民無信不立此等問答非聖賢不能

棘子成曰君子質而已矣何以文為子貢曰惜乎夫子之說君子也駟不及舌文猶質也質猶文也虎豹之鞞猶犬羊之鞞定案

哀公問於有若曰年饑用不足如之何有若對曰盍徹乎曰二吾猶不足如之何其徹也對曰百姓足君孰與不足百姓不足君

孰與足

仁人之言

子張問崇德辨惑子曰主忠信徙義崇德也愛之欲其生惡之欲其死既欲其生又欲其死是惑也誠不以富亦祇以異

齊景公問政於孔子孔子對曰君君臣臣父父子子公曰善哉信如君不君臣不臣父不父子不子雖有粟吾得而食諸所感多矣子曰片言可以折獄者其由也與子路無宿

四書
二世
諾

子曰聽訟吾猶人也必也使無訟乎
子張問政子曰居之無倦行之以忠

子曰博學於文約之以禮亦可以弗畔矣夫
子曰君子成人之美不成人之惡小人反是
季康子問政於孔子孔子對曰政者正也子
帥以正孰敢不正

季康子患盜問於孔子孔子對曰苟子之不

欲雖賞之不竊

狠

季康子問政於孔子曰如殺無道以就有道
何如孔子對曰子爲政焉用殺子欲善而
民善矣君子之德風小人之德草草上之
風必偃

子張問士何如斯可謂之達矣子曰何哉爾
所謂達者子張對曰在邦必聞在家必聞
子曰是聞也非達也夫達也者質直而好

義。察。言。而。觀。色。慮。以。下。人。在。邦。必。達。在。家。必。達。夫。聞。也。者。色。取。仁。而。行。違。居。之。不。疑。在。邦。必。聞。在。家。必。聞。畫出

樊遲從遊於舞雩之下曰敢問崇德修慝辨惑子曰善哉問先事後得非崇德與攻其惡無攻人之惡非脩慝與一朝之忿忘其身以及其親非惑與聖人說惑處令人絕倒

樊遲問仁子曰愛人問知子曰知人樊遲未

達子曰舉直錯諸枉能使枉者直樊遲退

見子夏曰鄉也吾見於夫子而問知子曰

舉直錯諸枉能使枉者直何謂也子夏曰

富哉言乎舜有天下選於眾舉臯陶不仁

者遠矣湯有天下選於眾舉伊尹不仁者

遠矣樊遲鶻突子夏聰明

子貢問友子曰忠告而善道之不可則止無

自辱焉

曾子曰君子以文會友以友輔仁

論一日克己復禮

一。日。字。最。可。味。此。一。日。不。下。手。永。無。下。手。之。期。矣。百。事。都。始。于。一。日。況。為。仁。乎。

論天下歸仁焉

或。疑。可。必。說。到。天。下。此。夢。語。也。正。為。已。與。天。下。判。為。二。家。所。以。聖。賢。抽。个。仁。字。為。仁。便。欲。已。與。天。下。還。為。一。家。矣。所。以。說。天。下。歸。仁。

合論克己由己

或問二己字同異顧涇陽先生答之曰下文已自解得明白曰非禮勿視非禮勿聽

非禮勿言非禮勿動便知克己由己矣。雖不敏請事斯語矣。便知由己矣。何必再下脚。字註脚。

論請問其目

說來直是不疑。並不回頭。轉腦。豈問關吏過關者乎。

論請事斯語

看他是何等。擔當。便知他是何等。地位。曰。事。則。語。不。為。空。言。矣。

論出門如見大賓四語

嘗疑此四語連說。近日始豁然。于此乃知。聖人經歷過方說得出也。若不敬。決不能。

敬。怨。先。儒。云。無。忠。做。怨。不。出。今。亦。云。無。敬。做。怨。不。出。雖然。忠。敬。亦。非。二。物。

論于斯二者何先

到。此。非。子。貢。不。能。問。也。然。子。貢。亦。知。信。不。可。去。但。不。能。如。夫。子。之。答。云。○。你。看。仲。尼。何。如。生。死。

論子為政焉用殺

此。夫。子。極。妙。語。也。康。子。殺。字。原。說。得。慘。絕。夫。子。言。外。之。旨。有。欲。殺。先。自。子。意。妙。絕。妙。頓。回。春。意。

論居之不疑

或。問。如。此。則。與。達。幾。混。過。矣。人。亦。何。苦。必。不。為。聞。而。必。為。達。乎。曰。居。之。不。疑。正。是。大。疑。處。大。疑。何。可。久。也。頃。之。自。破。綻。矣。

論攻其惡無攻人之惡

慝。惡。之。匿。于。心。者。攻。之。自。無。暇。及。于。人。之。惡。明。矣。何。必。言。之。曰。人。之。惡。非。必。他。人。之。惡。也。攻。已。之。惡。而。有。為。人。之。念。皆。攻。人。之。惡。非。攻。其。惡。也。故。曰。攻。其。惡。無。攻。人。之。惡。乃。謂。之。修。慝。聖。人。之。言。原。自。微。密。人。特。錯。會。耳。

論鄉也吾見于夫子而問知

是。日。問。仁。問。知。而。獨。曰。問。知。樊。遲。即。甚。鶻。突。亦。不。至。此。想。問。仁。問。知。是。兩。日。事。記。者。

合。并。言。之。又。一。日。問。知。而。言。知。人。遲。因。思。
 及。前。日。愛。人。之。語。不。覺。有。礙。故。未。達。耳。夫。
 子。亦。照。見。此。乃。曰。舉。直。錯。諸。枉。能。使。枉。者。
 直。遲。不。知。夫。子。照。見。其。意。中。事。乃。以。為。專。
 論。知。也。故。向。子。夏。言。之。

